



Dato: 6. januar 2023  
Kontor: Nordatlantkontoret  
Sagsbeh: Astrid Boesen  
Sagsnr.: 2022-490-0346  
Dok.: 2630179

**Kalaallit Nunaanni pinerluttulerinermi inatsisip  
allanngortinneqarnissaa pillugu inatsisissatut aamma Kalaallit  
Nunaanni eqqartuussisarnermik inatsisip allanngortinneqarnissaa  
pillugu inatsisissatut  
siunnersuut**

(Tarnikkut nakuuserfigineqarneq pillugu aalajangersagaq immikkoortoq)

**§ 1**

Kalaallit Nunaanni pinerluttulerinermi inatsimmi, tak. inatsisitut nalunaarut nr. xx allanngortinneqartumi, tulliuttunik allannguisoqassaaq:

1. § 88-*ip* kingorna ilanngunneqassaaq:

»§ 88 a. Inuk inoqtigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqtigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, allamut pineqartumut assuarnartumik aqutsissutitut naleqquttunik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matumani naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersuineq ilanngullugit, tarnikkut nakuusersimasutut eqqartuunneqassaaq. «

Slotsholmsgade 10  
1216 København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk)  
[jm@jm.dk](mailto:jm@jm.dk)

## § 2

Eqqartuussisarnermik Kalaallit Nunaannut inatsimmi, tak. inatsisitut nalunaarut nr.xx tulliuttut allannguutigigitinneqarput:

1. § 333, *imm. 1, oqaaseqatigiinni siullerni*, »§§ 88 aamma 89,« ima allanngortinneqassaaq: »§§ 88-89,«.

2. § 336 *b, imm. 1, oqaaseqatigigiinni siullerni*, »nakuuserneq,«-rup kingorna ilanngunneqassaaq: »tarnikkut nakuuserfigineqarneq,«.

3. § 340 *a, imm. 1, nr. 2, litra b-mi*, »imaluunniit § 88, oqaaseqatigiit siulliit,« ima allanngortinneqassaaq: »§ 88, oqaaseqatigiit siulliit, imaluunniit § 88 a«.

## § 3

Inatsit ulloq [...] atuutilissaaq.

*Inatsisissatut siunnersuummut oqaaseqaatit*

*Oqaaseqatigiit nalinginnaasut*

## 1. Aallaqqaasiut

Kalaallit Nunaanni qallunaat akisussaaffiisa ineriartortinneqarnissaat Naalakkersuisuisut peqatigalugit naalakkersuisut kissaatigaat [].

Suliamut tassunga atatillugu Naalakkersuisut kissaataat malillugu Inatsiseqarnermut ministereqarfiup inatsisissatut siunnersuut suliarivaa, tassanilu qanigisariinni tarnikkut nakuuserfigineqarneq pinerluutinngortinneqarpoq.

Inuttut nammineersinnaanermut aamma inuup tarnimigut peqqissusaanut tarnikkut nakuuserfigineqarneq annertuunik kinguneqarsinnaavoq. Tarnikkut nakuuserfigineqarnerup kinguneri ajortut – ingammik qanigisariinni – sivisusinnaapput allaat inuuneq tamaat atasinnaallutik, tassami eqqugaasut tarnikkut ilivitsuunerat tarnikkut nakuuserfigineqarnerup qajannarsisittarpaa. Taamaammat eqqugaasut taakkulu inatsisitigut naapertuilluartoqarnerannik misigisimanerisa paareqqissaarneqarnissaat pingaartuuvoq, taamaalillutik taakku inuiaqatigiinnit illersorneqarneq, paasineqarneq aamma akuerisaaneq pisassartik piniassammassuk. Inatsiseqarnermut ministereqarfiup isumaa malillugu, tamanna tunngavigalugu pinerluttulerinermi inatsimmi tarnikkut nakuuserfigineqarneq pillugu immikkut ittumik aalajangersakkamik ilanngussisoqarnissaa pisariaqartutut isigineqarpoq. Tarnikkut nakuuserfigineqarnerup timikkut nakuuserfigineqarnertut ilungersunartiginera ajoqusiisinnaatigeneralu, aamma tarnikkut nakuuserfiginninneq nakuusernikkut allakkut pinerluttuliornerunera taamaalilluni ersersinneqassaaq. Qanigisariinni tarnikkut nakuuserfiginninnerup pinerluutinngortinneqarnissaa taamaalilluni inatsisissartut siunnersuutip siunertaraa.

Tarnikkut nakuuserfiginninnerup siunnersuutigineqartut pinerluutinngortinneqarnerata malitsigisaanik Kalaallit Nunaanni eqqartuussisarnermik inatsimmi allannguutit inatsisissatut siunnersuutip imarai.

Inatsisissatut siunnersuutip saniatigut, tarnikkut nakuuserfiginninneq pillugu pinerluttulerinermi inatsimmi aalajangersakkamik ilanngussinerup malitsigisaanik inatsisini allani allannguisoqarnissaa Inatsiseqarnermut ministereqarfiup piareersarniarpaa. Tamanna qanilleqqusinninneq, najugaqataasinnaannginneq aamma anisitsisarneq pillugit inatsisip Kalaallit Nunaanni atuutilersinneqarnera pillugu peqqussummut, aamma

aappariilertarneq aappariikkunnaartarnerlu pillugit inatsisip Kalaallit Nunaanni atuutilersinneqarnera pillugu peqqussummut atuuppoq.

Qallunaat pillaasarnermik inatsisaani assigisaanik allannguinnermit inatsisissatut siunnersuut tunngaveqarpoq, taannalu pillaasarnermik inatsisip inatsisillu allat inatsisikkut nr. 139-ikkut, 30. marts 2019-imeersukkut (Tarnikkut nakuuserfigineqarneq pillugu aalajangersagaq immikkoortoq) suliarineqarpoq.

## **2. Inatsisissatut siunnersuutip pingaarnertut imarisai**

### **2.1. Inatsisit atuuttut**

Tarnikkut nakuuserfiginninneq pillugu massakkut pinerluttulerinermi inatsimmi immikkut ittumik aalajangersakkamik peqanngilaq, kisianni aalajangersakkani allani arlaqartuni iliuutsit, inuup allap tarnikkut ilivitsuuneranik nikanarsaataasutut oqaatigineqarsinnaasut, ilaatinneqarput.

Paarsinerlunnermigut imaluunniit nikassarpassissumik iliuuseqarnermigut, pinerluuteqartup aapparissaminik, meeqqaminik inummik allamik oqartussaaffigisaaminik, isumassugassaminilluunniit, imaluunniit pinerluuteqartup ningaaminik sakiatasiaminilluunniit, imaluunniit kinguaaqatitut eqqarliminik, inuk innarliisoq, pinerluttulerinermi inatsimmi § 75, imm.1 malillugu eqqartuunneqassaaq. Aalajangersakkap immikkoortua 2 malillugu aamma atuuppoq, pinerluuteqartup imm. 1-imi pineqartunut inunnut pilersuisussaataitanini imal. akilersuisussaataitanini sumiginnarpagu.

Inuk, nakuusernikkut imaluunniit nakuusernissaq siorasaarutigalugu, pigisanik annertuumik ajoqusiiniarluni, nammineersinnaajunnaarsitsiniarluni imaluunniit pinerluuteqarsimanermik imaluunniit nikanarsaataasumik qanoq iliorsimaneq pillugu eqqunngitsumik pasilliinermik saqqummiussinikkut imaluunniit nammineq inuunermi allat susassarinnngisaanni qanoq iliorsimanerit saqqummiunneqarnissaat siorasaarutigalugit allat iliuuseqartinniarlugit, naammagiinnartariaqalersinnerisigut imaluunniit ilaginnaasinnerisigut pinngitsaaliisut, pinerluttulerinermi inatsimmi § 91 malillugu inatsisit unioqquutillugit pinngitsaaliisutut eqqartuunneqassaaq. Taamatuutaaq, pinngitsaaliinikkut pissutsit qunusaarinnermut tunngassuteqartut pineqartut pissutigalugit, saqqummiussineq naleqquttutut isigineqassanngippat, inummut pinerluuteqarsimanerup nalunaarutigineqarnissaanik

saqqummiunneqarnissaanillu qunusaarinikkut imaluunniit pasilliutit nikanarsaataasut eqqortut saqqummiunneqarnissaannik qunusaarutiginnittumut, inummik pinngitsaaliilluni iliuseqartitsisumut, naammagiinnartitsisumut imaluunniit ilaginnaasitsisumut, tamanna aamma atuuppoq.

Inuk, inuit nammineq inuunerannut imaluunniit allat inuunerannut, peqqissusaannut imaluunniit atugarissaarnerannut tunngasumik pinerluuteqarnissamik qunusaarineq atorlugu, taamaalilluni inuit ilaannut naleqquttumik ilungersunartumik annilaangalersitsinermik kinguneqartumik qunusaarisooq, pinerluttulerinermi inatsimmi § 98, imm. 1 malillugu qunusaarisimasutut eqqartuunneqassaaq.

Tamatuma saniatigut timikkut nakuuserneq pillugu pinerluttulerinermi inatsit aalajangersakkamik imaqarpoq. Taammaalilluni inuk piaaraluni inuup allap timaanik ajoqusiisoq innarliisorluunniit eqqartuunneqassasoq pinerluttulerinermi inatsimmi § 88-imi takuneqarsinnaavoq. Inummut timikkut imaluunniit peqqissutsikkut allamut annertuumik piarinaatsoornikkut ajoqusiisumut, tamanna aamma atuuppoq.

Pisoqalisootitsineq pillugu malittarisassanik pinerluttulerinermi inatsit imaqanngilaq, kisianni tassunga taarsiullugu unnerluussisussaataasut unnerluussummik saqqummiussinissaannut piffissaliussineq § 21-imi taaneqarluni.

Sulianut, akiliisitsinermik imaluunniit arsaarinninnermik taamaallaat kinguneqarsinnaasunut, unnerluussummik saqqummiussinissamut piffissaliussa qkiunut 2-nnut killilerneqartoq, § 21, imm. 1, nr. 1-imi erseqqissumik taaneqarpoq.

Sulianut allanut tunngatillugu unnerluussisussaataasut unnerluussummik saqqummiussinissaannut piffissaliussamik erseqqissumik nassaassaqqanngilaq, kisianni inatsisinik unioqqutitsisimanerup pisimanerata kingorna piffissaq sivisooq ingerlasimatillugu, § 21, imm. 1, nr. 2 malillugu pineqaatissiinerit aallartinneqarnissaannut pissutaatinneqartup takussaajunnaartarneranik naliliisoqartarpoq.

§ 21, imm. 5 malillugu, eqqartuussinissamik alloriaatit suugaluartulluunniit tiguneqartillugit, unnerluussummik saqqummiussinissamut piffissaliussa unitsinneqassaaq, pineqartorlu unioqqutitsineq pillugu unnerluunneqassalluni.

## 2.2. Inatsiseqarnermut ministereqarfiup isumaliutiginninneri

Tarnikkut nakuuserfigineqarneq ingammik isumaginninneq pillugu suliassaqqarfimmi sulisaatsimi paasinneriaatsitut ilaatinneqarpoq. Paasinneriaaseq assigiissaartumik nassuiarneqanngilaq, kisianni, allamik nakkutiginninniarnermik imaluunniit naalagarsiortitsiniarnermik siunertaqartumik, taamaalilluni taamaaliorfigineqartoq naalaannartinneqalerluni imaluunniit tarnimigut qajannarsisinneqarluni, uteqqiattumik imaluunniit ingerlajuartumik iliuitsit ilaginnaanerilluunniit (imaluunniit taakku marluk ataatsikkut) ilusaat pillugit pisartutut oqaatigineqartarluni. Iliuitsit il.il. assigiinngitsorujussuit pineqarsinnaapput, taakkulu qanigisariinni timikkut imaluunniit tarnikkut innarliinerit suussusaannik assigiinngitsunik imaqqarsinnaapput.

Tarnikkut innarligassaanginneq pillugu innarliinerit aalajangersaqqissaarneqarsimasut arlallit pillugit pinerluttulerinermi inatsit pinerluutinngortitsivoq. Taakku ilisaqqunnartumik tassaapput iliuitsit immikkoortut, assersuutigalugu inatsisit unioqqutillugit pinngitsaaliinerit, qunusaarinerit imaluunniit nakuusernerit. Aammattaaq pissutsit allat ataavarnerusut, assersuutigalugu paarsinerlunnerit, pillugit eqqartuussisoqarsinnaavoq.

Kisianni Inatsiseqarnermut ministereqarfiup isuma maalillugu tarnikkut innarligassaanginnerup innarlerneqarnerani aalajangersakkat taakku naammattumik illersuinngillat. Iliuitsit arlallit tarnikkut nakuuserfigineqarnertut nalilerneqarsinnaasut, aalajangersakkani atuuttuni ilaatinneqannginnerannik tamanna pissuteqarpoq. Tassaasinnaapput innarliinerit ima ilungersunartiginningsut, nammini pinerluuteqarnermi imanertinneqartuni, assersuutigalugu inatsisit unioqqutillugit qunusaarinerit imaluunniit inatsisit unioqqutillugit pinngitsaaliinerit piunasaqaatinik naammassinnissinnaanatik, kisianni eqqunngitsuliorfigineqartumut, piffissami aalajangersimasumi taamatut arlaleriarluni pissusilersorfigineqarnermigut taamaaqataanik imaluunniit annertunerusumik innarliinertut sunniuteqartut. Aammattaaq innarliinerit suussusaat, aalajangersakkat arlaannaanniluunniit ilaatinneqanngitsut pineqarsinnapput. Taassuma saniatigut qanilleqqusinninneq, najugaqataasinnaanginneq aamma anisitsisarneq pillugu inatsit, eqqugaasup innarlerneqarnermut illersorneqarnissaanik siunertaqartoq tunngavigalugu ilaqtariinni pillaatissiinerit qaqutigorujussuaq aalajangersarneqartarput. Tamatuma peqatigisaanik inatsiseqartitsinermi

pissutsini ullumikkut atuuttuni tarnikkut nakuuserfigineqarnerup qanoq ilungersunartiginera ersersinneqanngilaq.

Tamanna tunngavigalugu pinerluttulerinermi inatsimmi tarnikkut nakuuserfigineqarneq pillugu immikkoortumik aalajangersakkamik pisariaqartitsisoqartoq, Inatsiseqarnermut ministereqarfik isumaqarpoq.

Tarnikkut nakuuserfigineqarneq – ingammik qanigisariinni – eqqugaasumut sivisoorujussuarmik imaluunniit allaat inuuneq naallugu kinguneqartitsisartoq, tassami assersuutigalugu tamanna pineqartup kigaatsunnguamik immikkoortikkiartuaarneqarneranik imaluunniit tarnimigut qajannarsisikkiartuaartinneqarneranik kinguneqartarnat, tassunga atatillugu Inatsiseqarnermut ministereqarfiup pingaartippaa. Ingammik meeqqat eqqarsaatigalugit, tarnikkut nakuuserfigineqarnerup meeqqap ineriartorneranik akornusiisinaanera imaluunniit aseruisinaanera, matumani ingammik meeqqap kinaassuseqarneranut, nammineq naleqassusaanut aamma imminut tatiginneranut akornusiisinaanera aseruisinaaneraluunniit ilanngullugit, tunngavigineqassaaq.

Pisut ilaanni tarnikkut nakuuserfigineqarnerup eqqunngitsuliorfigineqartumi tarnikkut ajoquteqalernerup kingunerisinnaavaa. Tarnikkut nakuuserfigineqarnerup qanoq peqqarniissimatiginerata nalilerniarneqarnerani, tarnikkut ajoquteqalersimaneq ilaatinneqartariaqartoq, kisianni aamma naak tarnikkut ajoquteqalernerup suli pisimangikkaluartoq, imaluunniit ajoquteqalernerup taamaattoq takuneqarsinnaanngikkaluartoq, eqqugaasut innarlerneqarnernut illersugaanissaat pisariaqartinneqartoq, Inatsiseqarnermut ministereqarfik isumaqarpoq. Tarnikkut innarligassaannginernut innarliinernut eqqugaasup qanoq mattutiginera, soorlu aamma tarnikkut ajoquteqalernerit takuneqarsinnaalersarnerisa ajornakusoorsinnaanerat, pinerluutinngortitsinermi taamaalilluni apeqqutaatinneqartariaqanngillat.

Aamma nunani assersuunneqarsinnaasuni ilaqtariinni tarnikkut innarliinernut illersuisoqareerpoq. Assersuutigalugu norskit pillaasarnermik inatsisaanni naalliutitsineq pillugu §§ 282 aamma 283 malillugit Norgimi ataavartumik uteqqiattumillu eqqugaasumik angerlarsimaffimmi innarliineq pillaatissiissutigineqartarpoq. Englandimi Walesimilu qanigisariinni uteqqiattumik ataavartumilluunniit



nakkutilliinermik pinngitsaaliinermilluunniit iliuuseqarneq, Serious Crime Act-imik taaneqartartoq malillugu pillaatissiissutigineqartarpoq.

Suliani allanisulli – tarnikkut nakuuserfigineqarnermut atatillugu uppenarsaasiiniarnermi unammillernartoqarsinnaanera Inatsiseqarnermut ministereqarfiup nalunngilaa. Taamaattoq tamatuma kannguttaatsuliornermik pissusilersornerup pinerluutinngortinneqarnissaanut naammattumik tunngavilersuutaasinnaannginnera, Inatsiseqarnermut ministereqarfiup nalilerpaa.

Tarnikkut nakuuserfigineqarneq qanigisariinni atuutissasoq, tassani pinerluuteqartoq eqqunngitsuliorfigineqartup inoqutigiinni ilaaffigisaani attuumassuteqassalluni, Inatsiseqarnermut ministereqarfik isumaqarpoq. Qallunaat pillaaasarnermik inatsisaanni tarnikkut nakuuserfigineqarneq pillugu aalajangersakkamik ilanngussisoqarneranut atatillugu, eqqunngitsuliorfigineqartumut qanigisariinni innarliinerit immikkut ittumik annertuumik misigineqartarnerat, taakkumi tarnikkut nakuuserfigineqarnermit “killilersorneqarnani ineriartornissaq” ajornakusoortitsisarnerannik, imaluunniit taakku tarnikkut nakuuserfigineqarnermit qimarratiginninnissamut periarfissaqannginnermik misigisaqartitsisarnerannik, sulliviit tarnikkut nakuuserfigineqarnermik suliaqartut tikkuaanerat, Inatsiseqartitsinermit ministereqarfiup matumuuna pingaartissimavaa. Massakkuugallartoq immikkut ittumik inunnut taakkununga ajoquserneqarnissamik aarlerinartorsiortunut, illersorneqarnissamik annertuumik pisariaqartitsisutut nalilerneqartunut tunngatillugu, killilimmik tarnikkut nakuuserfigineqarnerup pinerluutinngortinneqarnissaa naleqqunnerpaajusoq, taamaalilluni Inatsiseqartitsinermit ministereqarfik isumaqarpoq.

Aammattaaq assersuutigalugu tarnikkut nakuuserfigineqarneq, inummik malersuineramik assingusumik pissuseqartoq, aappariikkunnaarnermi nanginneqartoq aallartittorluunniit pissutigalugu, tassunga atatillugu taassuma pinerluutinngortinneqarnissaata qulakkeerneqarnissaa aamma pisariaqartitsinneqartoq, Inatsiseqartitsinermit ministereqarfiup nalilerpaa. Eqqunngitsuliorfigineqartup inoqutigiinni ilaaffigisaani siusinnerusukkut inunnit atassuteqarsimasunit tarnikkut nakuusernerit, pinerluuteqartup nalinginnaasumik eqqunngitsuliorfigineqartumut taassumalu inoqutigiinni ilaaffigisaanut assigisaanik ilisimasaqarnera pissutigalugu, assersuutigalugu

inoqutigiit ilaannit tarnikkut nakuuserfigineqarnertut annertutigisumik misigineqarsinnaavoq.

### **2.3. Aaqqissuussineq siunnersuutigineqartoq**

Pinerluttulerinermi inatsimmi toqutsilluni timimillu pinerliilluni pinerluttuliornerit pillugit kapitali 19-imi tarnikkut nakuuserfigineqarneq pillugu immikkut ittumik aalajangersakkamik ilanngussisoqarnissaa Inatsiseqartitsinerlut ministereqarfiup siunnersuutigaa.

Kapitali 19-imi ilanngussinikkut tarnikkut nakuuserfigineqarneq inuup innarligassaanninneranik pingaarutilimmik innarliinerusooq, taamaaliornerlu timikkut nakuuserfigineqarnertut ilungersunartigisinaannaasoq ajoqusiitigisinnaasorlu taamaaliornikkut takutinneqarpoq.

Inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukku inoqutigiinnut taakkununga taamatut attuumassuteqarsimasooq, aamma piffissap ingerlanerani uteqqiattumik, assuarnartumik allamut pineqartumut aqutsissutaasinnaasumik ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, tassunga ilaalluni naqisimanninnikkut, pinngitsaaliinnikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersorneqarnermut tarnikkut nakuuserfiginnissimasutut eqqartuunneqassasoq, aalajangersakkakkut siunnersuutigineqarpoq.

Qanigisariinni piffissap ingerlanerani innarliinerit uteqqiattut, tamarmillu katillutik taamatut sakkortussuseqartut, ilaatinneqarnissaat aalajangersagassatut siunnersuutip siunertaraa.

Aalajangersakkap taamaattup inatsisit atuuttut ilassavai, tassami tassani iliuutsit, inatsisini massakkut atuuttuni pinerluutinngortinneqanngitsut, aamma iliuutsit pinerluutinngortinneqareersut ilaatissagamigit.

“Tarnikkut nakuuserfigineqarneq” pillugu paasinneriaatsip nalinginnaasumik atuuttussamik nassuiarneqarnissaa, aalajangersagassatut siunnersuummi siunertarineqanngimmat maluginiarneqassaaq.

Naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinaanissamut killilersorneqarnerup taamatullu tarnikkut nakuuserfiginninneruneranut aalajangersakkap oqaaseqatigiiani oqaatsini kingullerni, naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinaanissamut killilersorneqarnermut toqqaannartumik innersuussisoqarnissaa siunnersuutigineqarpoq. Assersuussutigalugu ilaqutariit ataqatigiinnikkut nukittunerannut innersuussisoqarneratigut, meeqqaminit qaniginerpaasaminilluunniit immikkortinneqarnermigut, imaluunniit allatigut inuup inuuneq pillugu aalajangiinissaanut, inuk aappariinnermi imaluunniit inooqatigiinnermi pissutsiniitiinnarneqarpat, assersuutigalugu avinnissamut inooqatigiikkunnaarnissamulluunniit, najugaqatigiikkunnaarnissamut ilinniarunnaarnissamulluunniit, inuk aalajangeeqqullugu imaluunniit ilaginnaaqqullugu allakkut pinngitsaalineqarpat, taava naleqquttumik pissuseqartillugu taamaliorneq naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinaanissamut killilersuineruvoq, taamaaliornerlu tarnikkut nakuuserfigineqarnerusinnaavoq. Pisuni, ataannartitsineq ilumut aamma assuarnartumik inummik allamik, assersuutigalugu taassuma piomassuserinngisaanik imaluunniit inuuneq pillugu aalajangiinissat taaneqartut pillugit aalajangiinissaanut imaluunniit ilanginnaanissaanut, inuup aapparinnermiiginnarnissaanut imaluunniit pissutsini najugaqatigiiffiusuniiginnarnerani, aalajangersakkap atornerneqarnissaa pingaaruteqarpoq.

Suliani ataasiakkaani pineqaatissiissutissap aalajangerneqarnissaanut suliami pissutsit naleqquttut piviusumik eqqartuussivinnit nalilersorneqarnissaat apeqqaataassaaq. Taamaalillutik pineqaatississutissap aalajangersarneqarneranut atatillugu ilaatigut nikassaataasumik, ajortumik pinninnerup aamma kannguttaatsuliornerup pissusaa sivisussusaalu, eqqunngitsuliorfigineqartumut pissutsit aamma eqqunngitsuliorfigineqartumut iliuseqarnerit kingunerisimasai, eqqartuussiviit eqqarsaatigissavaat.

Eqqunngitsuliorfigineqartup meeraanera, pisinnaanikillisimanera allatulluunniit pinerluuteqartumit timikkut imaluunniit tarnikkut inornerunera, tassunga atatillugu pillaatissiinerup aalajangersarneqarnerani sakkortunerusumik inatsisinik unioqqutitsinertut ilaatinneqarsinnaavoq.

Taamatutaaq meeraq qanigisaminik nakuuserfiginninnermik isiginnippat, sakkortunerusumik inatsisinik unioqquitsinertut isigineqartariaqarpoq.

Aallaaviatigut Kalaallit Nunaanni eqqartuussiveqarneq pillugu Kalaallit Nunaanni Eqqartuussiveqarneq pillugu Ataatsimiititaliarsuup isumaliutissiissutaanit nr. 1422/2004-imeersumit, atuagaq 1-imi qupperneq 121-imiit siumut allaaserineqartumi (matuma kingorna Ataatsimiititaliarsuup isumaliutissiissutaa) pinerluttulerinermi inatsit pinerluuteqarsimasumik tunngaveqarnermik taaneqartartumik tunngaveqarpoq. Eqqartuussiviup pineqaatissiinermini pinerluuteqartut ataasiakkaat inuttut inooqatigiinnilu pissutsit atugaat annertuumik eqqarsaatigissagai, tamatuma kinguneraa, matumani § 121, imm. 1, nr. 2 malillugu suut pineqartup nutaamik pinerluuteqaqqinnnginnissaanut ilimagineqarsinnaanerat ilanngullugu. Kisianni aamma pinerluutigineqartup sakkortussusaa, tassungalugu atatillugu § 121, imm. 1, nr. 1 malillugu pinerluuteqarnerup taamaattup akiorneqarnissaanut inuiaqatigiit soqutiginninnerat aamma eqqarsaatigineqassaaq.

Aammattaaq tarnikkut nakuuserfigineqarnerup pinerluutinngortinneqarnerata kingunerisaanik eqqartuussisarnermi inatsisip allanngortitsivigineqarnissaa siunnersuutigineqarpoq, matumani ilaatigut inatsisip atuuttut malillugit nakuunermik suliat assigalugit, tarnikkut nakuuserfigineqarnermik suliani, illersuisumik piginnaaniliinissamut periarfissat assingi ilanngullugit.

Aammattaaq Qanilleqqusinnginneq, najugaqataasinnaannginneq aamma anisitsisarneq pillugit inatsisip Kalaallit Nunaanni atuutilersinneqarnissaa pillugu peqqussummi aamma Aappariilertarneq aappariikkunnaartarnerlu pillugit inatsisip Kalaallit Nunaannut atuutilersinneqarnissaa pillugu peqqussummi, inatsisissatut siunnersuutip malitsigisaanik allannguisoqarnissaa siunnersuutigineqarpoq.

Aammattaaq inatsisissatut siunnersuutip §§ 1-imut aamma 2-mut oqaaseqaatitai innersuussutigineqarput.

### **3. Pisortanut aningaasaqarnikkut kinguneri aamma atuut-sitsilernerup kinguneri**

#### 4. Inuussutissarsiortunut il.il. aningaasaqarnikkut allaffissornikkullu kinguneri

#### 5. Innuttaasunut allaffissornikkut kinguneri

Innuttaasunut inatsisissatut siunnersuut allaffissornikkut kinguneqassanngilaq.

#### 6. Avatangiisinut kinguneri

Inatsisissatut siunnersuut avatangiisinut kinguneqassanngilaq.

#### 7. EU-mi inatsisinut pissutsit

EU-mi eqqartuussivimmut tunngasunik inatsisissaatut siunnersuut isiginniffinnik imaqqanngilaq.

#### 8. Oqartussat suleqatigiiffiillu il.il. tusarniaaffigi-neqartut

#### 9. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqqanngilaq«)	Ajortumik sunniutissai/aningaasartuuteqarnerunissaq (angeruit, annertussusaa allaguk/Naaggaaruit allaguk »Soqqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri		
Naalagaaffimmut, kommuninut nunallu immikkoortuinut atuutilersitsinerup kinuneri		
Inuussutissarsiortunut aningaasaqarnikkut kinguneri	Soqqanngilaq	Soqqanngilaq
Inuussutissarsiortunut allaffissornikkut kinguneri	Soqqanngilaq	Soqqanngilaq

Innuttaasunut allaffissornik-kut kinguneri	Soqanngilaq	Soqanngilaq
Innuttaasunut allaffissornik-kut kinguneri	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU-mit inatsisinut attuumassute-qanngilat.	
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi minnerpaamik piumasaqaatinik qaangiivoq (X-ileruk)	<p style="text-align: center;">AAP      NAAMIK                  X</p>	

*Inatsisissatut siunnersuummi aalajangersakkanut ataasiakkaanut  
oqaaseqaatit*

*§ 1-imut*

Nr. 1-imut

Massakkuugallartoq pinerluttulerinermi inatsit immikkoortumik tarnikkut nakuuserfigineqarneq pillugu aalajangersakkamik imaqqanngilaq.

Kisianni allap tarnikkut innarligassaannginnera pillugu imaqqartunik aalajangersakkanik arlalinnik pinerluttulerinermi inatsit imaqqarparpoq, matumani ilaatigut inatsisit unioqutillugit pinngitsaaliineq pillugu § 91, , siorasaarinerit pillugit § 98, imm. 1, nakuusernerit pillugit § 88 aamma paarsinerlunnerit pillugit § 75 ilanngullugit. Aammattaaq – pissutsit aalajangersimasut apeqqutaatillugit – Qanilleqqusinnginneq, najugaqataasinnaanninneq aamma anisitsisarneq pillugit inatsisimmik unioqutitsinerit pillugit pillaatissiinerit uani pineqarsinnaapput.

Pinerluttulerinermi inatsimmi nutaamik § 88 a-mik ilanngussisoqarnissaa siunnersuutigineqarpoq. Aalajangersagassatut siunnersuutigineqartup nutaatut inuk, inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkat inoqutigiinnut

taakkununga taamatut attuumassuteqarsimasoq, piffissap ingerlanerani uteqqiattumik, assuarnartumik allamat pineqartumut aqutsissutaasinnaasumik ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamat siunissarlu pillugu nammineq aalajangiisinnaanissamat killilersorneqarnermut pinerluttunngortissavaa.

Pinerluuteqartunut “inoqutigiinni allap akuuffigisaani ilaasunut qanittumilluunniit attuumassuteqartunut” aalajangersagassatut siunnersuutigineqartoq atorneqassaaq.

Inunnut eqqunngitsuliorfigineqartup inoqutigiinni ilaaffigisaaniittunut, assersuutigalugu aappaanut, inooqatigisaanut, angajoqqaavinut, qatanngutaanut imaluunniit angajoqqaarsiaanut, aalajangersagassatut siunnersuutigineqartup atorneqarnissaa taamaalilluni piumasaqaataavoq. Taamatuttaaq inunnut allap inoqutigiinni ilaaffigisaani qanittumik attuumassuteqartunut aalajangersagaq atorneqartussaavoq. Assersuutigalugu siusinnerusukkut aapparimasamat, assersuutigalugu meeqqat ataatsimoorussat tassani najugaqarnerat pissutigalugu suli inoqutigiinnut takkuttartumut, imaluunniit akkammut angamulluunniit meeqqat perorsarneqarnerannut peqataasumut, aalajangersagaq aamma atuussinnaassaaq. Aamma eqqunngitsuliorfigineqartup angutaataanut/arnaataanut, eqqunngitsuliorfigineqartumik najugaqateqanngitsumut aalajangersagaq atuussinnaassaaq.

Pinerluuteqartup inunnik nalunaarsuisarfimmi eqqunngitsuliorfigisap najugaqarfigisaani najugaqartutut nalunaarsorneqarnerasoq siusinnerusukkulluunniit najugaqartutut nalunaarsorneqarsimanersoq, pinerluuteqartup eqqunngitsuliorfigineqartullu akornanni tunaartaqartariaqartoqarnerasoq, pinerluuteqartoq eqqunngitsuliorfigineqartorlu eqqarleriinnersut, kiisalu pinerluuteqartup eqqunngitsuliorfigineqartup angerlarsimaffianut akulikitsunik aggertarnera, inuup eqqunngitsuliorfigineqartup inoqutigiinni ilaaffigisaani qanittumik attuumassuteqarnera pillugu naliliinermi ilaatigut ilaatinneqassapput.

Taagorneqartut tamakkiisuunnginnerat maluginiarneqassaaq. Tarnikkut nakuuserfigineqarnermut tunngatilugu, digitaliusumik sullissiviit ikiorsiullugit tarnikkut nakuusernerit suliarineqartut, soorlu oqarasuaat, sms, gps atorlugu tussaanerit, inoqatinut attaveqaatit il.il. atorlugit suliarineqartut, digitaliusumik sullissiviit atorlugit pinerluuteqartup

eqqunngitsuliorfigineqartullu akornanni akuttunngitsumik  
attaveqaqatigiittoqartarnersoq aammattaaq isiginiassallugu taamaamat  
naleqquttuusinnaavoq.

Aalajangersakkap pinerluuteqartunut, siusinnerusukkut  
eqqunngitsuliorfigineqartup inoqutigiinni ilaaffigisaani ilaasimasunut  
imaluunniit qanittumik atassuteqarsimasunut, aalajangersakkap  
atorneqarnissaa tamatuma saniatigut siunnersuutigineqarpoq. Uani  
pinerluuteqartut, siusinnerusukkut inoqutigiinni ilaasimasut imaluunniit  
allakkut taamatut inoqutigiinnut qanittumik attaveqaateqarsimasut,  
assersutigalugu angutaatigisimasaq/arnaatigisimasaq, inoqutigiinniit  
nuussimasoq, imaluunniit ilaqutarisaaq, eqqunngitsuliorfigineqartup  
angerlarsimaffianut akuttunngitsumik takkutissaarsimasoq,  
ilaatinneqassapput.

Tarnikkut nakuuserfiginninnerup pinerluuteqartullu inoqutigiinnut  
attaveqarnissaata taamatut attaveqarnissaat piunasaqaataavoq.  
Assersuutigalugu innarliinerit, eqqunngitsuliorfigineqartup  
pinerluttuliortullu najugaqatigiinneranni aallartittut, aamma  
pinerluttuliortup inoqutigiinni ilaajunnaarnerata kingorna ingerlaqqittut,  
aamma innarliinerit, aappariinnerup atorunnaarsinneqarneranut atatillugu  
aallartittut, naammattumik atassuteqartutut nalilerneqassapput.  
Kannгуттаatsuliornermik pissusilersorneq kisianni aappariinnerup  
atorunnaarsinneqarneraniit il.il. piffissap sivisuup qaangiutereernerani  
aatsaat aallartippat, pissusilersorneq aallaaviatigut aalajangersakkamut  
ilaatinneqassanngilaq. Assersuutigalugu tarnikkut nakuuserfigineqarneq,  
aappariinnerup atorunnaarsinneqarneranit ukiup ataatsip qaangiunnerani  
allaartittoq pineqartillugu, assersuutigalugu peqataasut  
ataatsimoorussaminnik meeraqarnerat pissutigalugu, peqataasut  
aalajangersimasumik pisartumik aamma qanittumik  
attaveqarsimanngippata, tarnikkut nakuuserfigineqarnerup aamma  
pinerluuteqartup inoqutigiinnut attaveqarnera pillugu nalinginnasumik  
pisariaqartinneqartumik attaveqarnertut tamanna  
oqaatigineqarsinnaanngilaq.

Pissusilersorneq “piffissap ingerlanerani uteqqiattumik” pisimassasoq,  
aalajangersagassatut siunnersuumi aamma piunasaqaataavoq.

Pissusilersorneq uteqqiattumik pissusilersornerussasoq aamma ilutsitut  
nalinginnaasumik isigineqassasoq uani pineqassaaq. Innarliinerit  
ataasiaannarluni pisut taamaalillutik aalajangersakkap avataaniipput.



Innarliinerit ilungersunartorujussuit pineqartillugit, pisut ikitsunnguit taamaattoq naammassapput. Uteqqiattumik pissusilersornissamik piumasagaammi, pissusilersornerup suussuta assinganik pissusilersorsimanissap piumasagaataaneramik kinguneqanngilaq.

Pissusilersornermi ilutsit, eqqunngitsuliorfigineqartumut atugassarititaasut, amerlanertigut naalackersugaanertut, toqqissisimannginnermik aamma nakuuserfigineqarnissamik, kinguaassiutitigut atonerlunneqarnissamik, qunusaarneqarnermik, pinngitsaalineqarnermik imaluunniit innarliinerit allat ingerlaannarnissaannut annilaanganermik sunnerneqartutut pissuseqartutut nalilerneqartarput. Naalackersugaaneq taamaattoq nalinginnaasumik eqqunngitsuliorfigineqartup kisermassilluni naalackersorneqarneratut peqqarniitsumillu naalackersugassatut nakkutigisassatullu pineqarneratut pissuseqartarpoq. Iliuutsit ilaginnaanerillu assigiinngitsorujussuit pineqarsinnaapput, taakkulu tamarmik allap timimigut peqqissutsimigilluunniit innarlernerarneramik imaqarsinnaallutik, matumani pineqartup tarnikkut qanoq issusia ilanngullugu.

Iliuuseq pineqartoq aammattaaq piffissap ingerlanerani pisimasussaavoq. Piffissap qanoq siviutiginissaanut, ataatsimut piviusumik naliliineq apeqputaassaaq. Uani ilaatigut sakkortussuseq aamma iliuuserisat ajoqusiinermik sunniteqarsinnaaneraat ilaatinneqassapput. Pisut pigajuttut imaluunniit sakkortuut pineqarpata, piffissaq sivikitsuarakasiugaluarpalluunniit, aalajangersakkap siunnersuutigineqartup atorneqarnissaa tamatuma kingunerisinnaavaa. Meeqqat inuusuttullu eqqunngitsuliorfigineqartut pineqartillugit, iliuutsit ilaginnaanerilluunniit ima pissuseqartut – allaat piffissami sivikitsumi pisimagaluarunilluunniit – meeqqap imaluunniit inuusuttup ineriartorneranut imaluunniit imminut ilisarineranut ajoqusiinissamut naleqquttuunerat, uani aammattaaq annertuumik pingaartinneqarpoq.

Kinaassusersiunngitsumik isigaluni, kialluunniit “ingasattumik nikasaanermik, ajortumik pinninnermik imaluunniit kannguttaatsuliornermik pissusilersorfigineqarnera” aalajangersakkap atorneqarsinnaanissaanut pineqassaaq. Paasinneriaatsit imminnut saatillugit erseqqissumik killilersorneqarsinnaanngillat, tassami iliuutsit ilaat nikasaanerussaapput, ajortumik pinninnerullutik aamma kannguttaatsuliornermik pissusilersorfiginninnerussaallutik.

Iliuutsit nikassaanerusut eqqarsaatigalugit, pissusilersornerit eqqugaasumut nikanarsaanermut imaluunniit isorinnermut atorneqarsinnaasut eqqarsaatigineqarput. Uani assersuutigalugu pinerluuteqartup eqqunngitsuliorfigineqartoq allaniit ajornerusumik pisimasinnaavaa, eqqunngitsuliorfigineqartup pissutsinut imminut tunngassuteqartunut sunniuteqarsinnaanerani arsaarneqarsimaneq, imaluunniit eqqunngitsuliorfigineqartoq, eqqunngitsuliorfigineqartup nuannarinngisaanik imaluunniit naleqqutinngitsutut isigisaanik, iliuuseqaqqullugu imaluunniit naammagiinnartariaqalersillugu pinngitsaalineqarsimaneq pineqarsinnaavoq. Pinerluuteqartup saniatigut kanngunarsagaanerp allamit isigineqarsimanissaa tassunga atatillugu piumasqaataangilaq.

Ajortumik pinninnermi pinerluuteqartup uumisaarinernik imaluunniit akornusersuineramik iliuuseqarnera pingaarnertut pineqarput. Assersuutigalugu uani oqaatsinik salluliutinik siaruarterniarluni pinerluuteqartup eqqunngitsuliorfigineqartup suliffianik, ilaqutaanik, ikinngutaamol il.il. attaveqarnerit, pisortani oqartussanut paasissutissanik eqqunngitsunik tunniussinerit uani pineqarput, matumani politiinut nalunaarutiginninnerit eqqunngitsut tunniunneqarneri, eqqunngitsuliorfigineqartup nammineq assiitaasa (taakku pinerluttulerinnermi inatsimmi § 95-imik unioqutitsineri apeqqutaatinnagit) allanut nassiunneqarneri, imaluunniit eqqunngitsuliorfigineqartumut nassiunneqartussanik nioqqutissarpassuarnik inniminniinerit, imaluunniit eqqunngitsuliorfigineqartup sumiinneranik ilisimanninneq pillugu eqqunngitsuliorfigineqartumut kalerriisaqattaarneq ilanngullugit. Pinerluuteqartup iliuutsit taaneqartut allamit suliaritissinnaammagit maluginiarneqassaaq.

Kannguttaatsuliornermik pissusilersorneq pillugu paasinneriaaseq atituvoq, assersuutigalugu pissusilersornerit, eqqunngitsuliorfigineqartup ataqinassusaanik imaluunniit imminut tatigineranut ajoqusiinissamut naleqquttut, imaluunniit allatigut eqqunngitsuliorfigineqartup tarnikkut innarligassaanginneranik ajortumik sunniuteqarsinnaasut uani ilaapput. Kannguttaatsuliornermik iliuuseqarnermi ilisaqqunnartumik eqqunngitsuliorfigineqartup killigititani qaangerneqartutut misigissavai, matumani assersuutigalugu kinguuaassiutinut tunngatillugu imaluunniit nakkutigineqarneq aqquutigalugu. Inuk qanigisami nuanninngitsumik imaluunniit quarsaarnartumik iliuuseqarfigineqarnerani isiginnaarpat, kannguttaatsuliornermik pissusilersorneq, assersuutigalugu meeqqap angajoqqaani qatanngutiniluunniit nakuuserfigineqartut, tarnikkut

nakuuserfigineqartut imaluunniit allatigut innarlerneqartut isiginnaarsimappagit aamma pisinnaavoq.

Uupakaatitsinermik pissusilersorneq aamma kanngunarsaanermik pissusilersornermi ilaavoq, soorlu assersuutigalugu peqqusersuumik pissusilersornikkut eqqunngitsuliorfigineqartup eqqarsaataanik, isumaanik aamma qanoq iliorneranik, salloqittaannikkut, sunniiniarnikkut imaluunniit kanngunartuliorfigineqarneratigut sunnerneqarneratigut pisarluni. Pinerluuteqartup pisunik killormut saatitsinera eqqunngitsuliorfigineqartup assersuutigalugu misigisinnaavaa, taamaalilluni pinerluuteqartup kannguttaatsuliornermik pissusilersonera eqqunngitsuliorfigineqartup nammineq pisuussutaatut misigineqassalluni. Naleqqutinngitsumik isornartorsiorneqarnerit, pasitsassaarinerit imaluunniit unnerluutiginninnerit, eqqunngitsuliorfigineqartup pinerluuteqartumut tunniutiinnarnissaanik siunertaqartut, uukapaatitsiniarnermiissinnaapput.

Iliuserineqartut ilaatinneqartut iliusaasinnaapput imaluunniit ilaginnaanerusinnaallutilluunniit (imaluunniit taakku marluutillugit).

Erseqqinnerusumik pisut apeqqutaatillugit, inuup ilaqutaanit attaveqarfiinilluunniit immikkoortinneqarnera, inuup assersuutigalugu digitaliusumik sullissiviit imaluunniit gps-imut atortut aqputigalugit akuersiteqqaarnagu systematiskiusumik nakkutigineqarnera imaluunniit inuup qaqugukkat sininnissaa pillugu, inooqatigiinni ataqatigiinnerni inunik allanik ilaqarnissaa pillugu, kikkut ilagisinnaanera, atisat suut atissanera il.il., inuup ulluinnarni inuuneranik nakkutiginninnermik tigusineq, inuup soqutigineqannginnera, assersuutigalugu nunanut allanut angalanissat pillugit pingaaruteqartumik aalajangiinissat pillugit inuup nalornisinneqarnera, inooqatigisap aapparissalluunniit suliffissarsiorneranik itigartinneqarnera, inuup tapersorsorneqarnissaanik arsaarneqarnera, inuup naleqanngitsutut oqallisigineqarnera, malitariaqakkanik eqqussinikkut inummik saqqummersitsineq imaluunniit nikanarsaaneq, inuup meeraanit qanigisaanilluunniit immikkoortinneqarnera, inuup aningaasaqarneranik nakkutilliinermik tigusineq, inuup pineqartulluunniit meeraanik qaniginerpaasaanilluunniit qunusaarineq (qunusaarinerit pinerluttulerinermi inatsimmi § 98, imm. 1-imi ilaanissaat pisariaqanngilaq), inuk ajoquserniarlugu inuup meeraanik qaniginerpaasaanilluunniit inaarliineq nakuusernerluunniit, ataqqinninnermik aamma/imaluunniit ilaqutariit nalinginnaasumik qanoq issusaannik takutitsinissaq pillugit takorluuinerit innersuussutigalugit inummik aappariinnermiiginnartitsineq imaluunniit

eqqunngitsuliorfigineqartup allakkut naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersorneqarnera, eqqunngitsuliorfigineqartup inuunini pillugu aalajangiinissaanut, assersuutigalugu iliniagaqarneq imaluunniit aappaqarneq pillugu qinersisinnaanera pillugit inuit allat eqqunngisuliorfigineqartumut kimigiisertitsinneqarnerat, assersuutigalugu peqqinnissaqarfimmu, ilinniarnissaanut suliffeqarfeqarfimmullu inuup immikkoortinneqarnera, naartunerup naammassineqarnissaanut kipineqarnissaanulluunniit inuup pinngitsaalineqarnera, angutaaserfigineqarnera, inuup pigisaasa aserorterneqarnerat imaluunniit aserorterneqarnissaannik siorasaarineq imaluunniit eqqunngitsuliorfigineqartoq pillugu ajortumik siunertaqarluni mamarliineq, tusaamanerlugaalersitsineq imaluunniit eqqunngitsuliorfigineqartoq pillugu inummut tunngasunik siaruarterineq – iliuitsit nikanarsaataasutut, ajortumik pinninnertut aamma kannguttaatsuliorfiginninnertut – assersuutitut taaneqarsinnaapput.

Assersuutit taaneqartut tamakkiisuunngimmata, kiisalu iliuitsinut arlalinnut taaneqartunut tunngatillugu, nikanarsaaneq, ajortumik pinninneq imaluunniit kannguttaatsuliornermik pissusilersorneq, pisut pineranni pissutsit, eqqunngitsuliorfigineqartup meeraanera ukiui inerisimassusaalu, aamma peqataasut allakkut imminnut attuumassuteqarneri apeqqutaammata maluginiarneqassaaq.

Aalajangersagassatut siunnersuummut iliuuserineqartoq ilaatinneqassappat nikanarsaaneq, ajortumik pinninneq imaluunniit kannguttaatsuliornermik pissusilersorneq ingasattutut taaneqarsinnaasariaqassaaq. Taamaalilluni nikanarsaanerit, ajortumik pinninnerit imaluunniit kannguttaatsuliornermik pissusilersornerit suulluunniit tamarmik, aalajangersakkap isumaanut ilaatinneqarsinnaanngillat. Illuatungaani, ataatsimut isigalugu nikanarsaaneq, ajortumik pinninneq imaluunniit kannguttaatsuliornermik pissusilersorneq ingasattut taaneqarsinnaappat, iliuitsit ilaginnaanerilluunniit ataasiakkaat ingasattutut taaneqarnissaat piumasagaataanngilaq.

Iliuserineqartut ingasattutut taaneqarsinnaanissaannut piumasagaat, iliuitsip piffissap ingerlanerani uteqqiattumik pisimanissaanik, aamma eqqunngitsuliorfigineqartumut aqutsinissamut naleqquttuuneranut qanittumik attuumassuteqarpoq. Taamaalilluni ataatsimut isigalugu

iliuseqarnek ilaatigut piffissami sivilissusilimmi, sakkortussusilimmik aamma taamaalilluni ingasattumik pinninnertut taaneqartussaassaaq.

Eqqunngitsuliorfigineqartup assuarnartumik aqunneqarniarneranut iliuuserineqartoq naleqquttuussaaq. “Aqutsinianermik” oqaasertaq nakkutilliiniarnertut pissusilersornermut tunngassuteqarpoq, taamaaliornerullu eqqunngitsuliorfigineqartup akornusersorneqarani qanoq iliorsinnaanissaanut akornusiinertut isigineqassaaq, matumani innarlerneqarnerit nutaat annilaangagineqarnerisa pissutigineqarnerat ilanngullugit. Taamaalilluni eqqunngitsuliorfigineqartumut tunngatillugu, pissusilersuutigineqaroq eqqunngitsuliorfigineqartumut pinerluuteqartup pissaaneqalernissaanik imaluunniit pissaanerup sakkortusineqarnissaanik attatiinnarneqarnissaanilluunniit nalinginnaasumik siunertaqarpoq. Naalagarsiortitsineramik imaluunniit nakkutilliinermik pissusilersorneq, eqqunngitsuliorfigineqartup imminut namminerluunniit inuunerminut aalajangiisinnaanermik misigisimaneranik arsaarinninnertut, eqqunngitsuliorfigineqartup nammineq naleqassusaata qajannarsisinneqarneranik, eqqunngitsuliorfigineqartup immikkoortinneqarneranik imaluunniit pinerluuteqartumik maleruutiinnalersinneqarneranik kinguneqartut uani assersuutigalugu pineqarsinnaapput. Pissusilersuutigineqartut ataatsimut isigalugit taamaalillutik eqqunngitsuliorfigineqartup piumassusaa uniorlugu, eqqunngitsuliorfigineqartup qanoq iliornissaanut naammagiinnalersinneqarnissaannulluunniit naleqquttuussaput.

Pissusilersorneq eqqunngitsuliorfigineqarup aqunneqanissaanut naleqquttuunersoq kinaassusersiunngitsumik nalilerneqassaaq. Taamaalilluni eqqunngitsuliorfigineqartoq ilumut aqunneqarnersoq, aalajangersakkap atorneqarnissaanut pingaaruteqanngilaq. Aammattaaq aqutsinerup eqqunngitsuliorfigineqartumut tarnikkut ajoquserneqarsimaneranik assigisaanilluunniit kinguneqarsimamera, pinerluutinngortitsinermi apeqqutaanngilaq.

Aqutsinermik pissusilersorneq aammattaaq “assuarnartuussaaq”, tassanilu peqataasut pissusissamisoortumik imminnut attaveqarnerannut aqutsiniarnermik pissusilersorneq ilaanngilaq. Taamaalilluni aqutsineq pisut ilaanni pisariaqassaaq aamma pissusissamisoortumik, assersuutigalugu inersimasup meeqqallu akornanni immikkut ittumik atassuteqarnerni (meeqqap ukiui inerisimaneralu pisariaqartinneqartumik eqqarsaatigineqarneri piumasaqaatigalugit) imaluunniit utoqqaat paaqqutarisariaqartut imaluunniit inuit innarluutillit inuillu, utoqqarmik

inummilluunniit innarluutilimmik paaqutarinnittut akornanni. Taamaattoq ingasattumik innarliinerit peqataasut atassuteqaqatigiinneranni pissusissamisoorumik ilaasutut qaqutigorujussuaq isigineqarsinnaasut ilimagineqartariaarpoq. Angajoqqaat meeqqaminnik perorsaanerat aallaaviatigut aalajangersakkami ilaatinneqanngitsoq tamatuma kinguneraa, kisianni aalajangersakkami ilaatinneqartunik angajoqqaat meeqqaminnut pissusilersorsinnaapput naakkittaatsuliorsinnaallutilluunniit, matumani assersuutigalugu meeqqap akulikitsunik sivisuunillu aneqqusaannginnera ilanngullugu.

Naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamat siunissarlu pillugu nammineq aalajangiisinaanissamat killilersorneqarneq tassaasoq tarnikkut nakuuserfigineqarneq, aalajangersakkap ilaata kingulliup erseqqissarppaa. Aappariinnermi imaluunniit assigisaanik inooqatigiinnermi tamanna atuussinnaavoq, tassani imarisani pissutigalugit, inummik naqisimanninnissaq siunertaralugu inuup inuunermini aalajangigassat aalajangersimasut pillugit aalangiinissaanut ilaginnaanissaanulluunniit, assersuutigalugu avinnissaq, aappariikkunnaarnissaq, ineqarneq imaluunniit ilinniagaqarneq pillugit, inummik aalajangiusimannittoq uani pineqarsinnaallutik. Assersuutigalugu aappariinneq inooqatigiinnermiluunniit pissutsit eqqunngitsuliorfigineqartumut tunngatillugu pinerluuteqartumut pissaaneqarnermik periarfissiinersoq, eqqunngitsuliorfigineqartumut aappariinneq aqutigalugu imaluunniit inooqatigiinnermi pissutsit pissutigalugit imminut namminerlu inuunerminut aalajangiisinaanermik misiginninnerata arsaarinnissutigineqarsimanera, aamma eqqunngitsuliorfigineqartup piumassuserinngisaanik eqqunngitsuliorfigineqartoq iliuuseqaqqullugu imaluunniit naammaginniinnartariaqalersillugu pissutsit sunniinersut, tassunga atatillugu pingaartinneqarsinnaassapput. Inooqatigiinnerup piviusumik aamma assuarnartumik pissuseqarluni inuup allap aquneqarneranik kinguneqarnera, assersuutigalugu inuup taassuma piumassuserinngisaanik imaluunniit qulaani taaneqartut inuunermini aalajangissat ilaannik aalajangiisinneqarsimanera sumiginnaasinneqarsimaneraluunniit, pingaaruteqarluinnassapput.

Eqqunngitsuliorfigineqartumut pinerluuteqartup iliuuserisai, imarisatik malillugit inuup aquneqarnissaanik siunertaqarsimappata, kisianni suli taamatut kinguneqarsimangippata, pissutsit malillugit pinerluttulerinnermi intsimmi § 12 malillugu tarnikkut nakuuserfiginninniarnertut pineqaatissiisooqarsinnaavoq. Tamanna iliuuseqarnerup ilusaata pisariaqartumik sivilusimannnginneranik pissuteqartumik pisimasinnaavoq.

Suliani ataasiakkaani pillaatissiinerup aalajangerneqarnissaanni, suliami pissutsit naleqquttut tamaasa piviusumik eqqartuussivinnit nalilerneqarnerannit aalajangersarneqassaaq. Taamaalillutik pillaatissiinerup aalajangiiffigineqarneranut atatillugu, nikassarpasissumik, ajortumik pinninnerup aamma kannguttatsuliornermik pissusilersornerup qanoq issusaa sivilusussusaalu,

eqqunngitsuliorfigineqartumut pissutsit, aamma pissusilersuutigineqartut eqqunngitsuliorfigineqartumut kingunerisimasai, ilaatigut eqqartuussiviit eqqarsaatigissavaat. Pillaatissiissutit sivissusissaasalu toqqarneqarneranni pisuni ataasiakkaani aamma piviusumik naliliisoqarnissaa, tassani inatsisunik unioqquitsinerup peqqarnissusaa, tassunga atatillugu pinerluuteqarnerup taamaattup akiorneqarnissaanut inuiaqatigiit soqutiginninnerat aamma eqqarsaatigineqassaaq, aamma pinerluuteqartup inuttut pissutsit akuuffigisaasa ilaatinneqartussaanagerat,, tassunga atatillugu pinerluttup pinerluuteqaqqinnginnissaanut suut iliuuserineqartariaqarnersut pinerluttulerinermi inatsimmi pinerluttup immikkut ittumik tunngavigineqartarnerata kinguneraa.

Pisut malillugit aalajangersagassatut siunnersuutigineqartup pissusilersuutit, immineq pinerluutinngortinneqareersimasut ilaatikkai maluginiarneqassaaq, matumani assersuutigalugu pinerluttulerinermi inatsimmi § 75 malillugu paarsinerlunnerit, § 91 malillugu inatsisit unioqquutillugit pinngitsaaliinerit aamma § 98, imm.1, malillugu qunusaarinerit ilanngullugit. Tamatuma saniatigut tarnikkut nakuuserfiginninnikkut naalakkersuinnermut atatillugu pinerluutigineqartut, pinerluutit allatut ittut pineqarsinnaapput, assersuutigalugu pinerluttulerinermi inatsimmi § 88 malillugu nakuusernerit, § 77 malillugu pinngitsaaliilluni atoqatiginninnerit imaluunniit kinguaassiutitigut pinerluuteqarnerit allat pineqarsinnaallutik. Pisuni taaneqartuni pillaanissamut aalajangersakkat allat aporfigineqarneranni, aalajangersagassatut siunnersuutigineqartup atorineqarnissaa piunasaqaataassaaq.

Pinerluttulerinermi inatsimmi § 13-imi iliuuseqaqataasimaneq pillugu aaqquissuussineq nalinginnaasoq pissutigalugu, kajumissarinikkut, siunnersuinikkut imaluunniit piviusumik ikiuinikkut, tarnikkut nakuuserfiginninnermik peqataasimasunut, aalajangersagassatut siunnersuut aamma ilaatinneqassaaq. Tassunga assersuutitut taaneqarsinnaapput inuit, eqqunngitsuliorfigineqartumut taassumalu qanigisaanut tunngatillugu immikkut ittumik oqaasissaqartut, aamma pinerluuteqartup eqqunngitsuliorfigineqartumut naqisimanninnikkut, pinngitsaaliinikkut imaluunniit nakuuserinikkut nammineq inuuneqarnissamut siunissarlu pillugu nammineq aalajangiisinnanissamut killilersuinneranut peqataasut pineqarput. Peqataaneq taanna, pinerluutinngortitsinerimmi suliassaqarfiup iluaniittoq pillugu, pissusilersornerup piviusup tarnikkullu nakuuserfiginninnerup akornanni arlaatigut attuumassuteqartoqarnissaa piunasaqaataammat, tassami pissusilersorneq pineqartoq tarnikkut nakuuserfiginninnermut pingaaruteqarsimanissaa taamaattoq piunasaqaataanngitsoq, aammattaaq maluginiarneqassaaq.

Iliuuseqaqataaneq pillugu § 13-imi aalajangersagaq malillugu, kinaluunniit aalajangersakkap isumaa malillugu, kajumissarinikkut, siunnersuinikkut imaluunniit piviusumik ikiuunnikkut pinerluuteqarnermi peqataasoq, pissusilersornermigut pinerluuteqaqartutulli akisussaaffimmik tigusissaaq.

Aammattaaq inatsisissatut siunnersuummi oqaaseqaatini nalinginnaasuni pkt. 2 innersuussutigineqarpoq.

### § 2-mut

Nr. 1-imut

Eqqartuussisarnermik inatsimmi § 333 pinerluttulerinermi suliani eqqunngitsuliorfigineqartup illersuisuanik ivertitsinissaq pineqarpoq. Suliani, nakuuserneq imaluunniit tamanna pillugu qunusaarineq pillugu pinerluttulerinermik inatsimmi § 37-imik (pisortani oqartussat kanngunarsarneqarnerannik), § 74-imik (ilaquttatut qanigilluinnakkamik atoqateqarnermik), §§ 77-imiit 81 ilanngullugu (pinngitsaaliilluni atoqatiginninnermik, kinguaassiutitigut atonerluinermik, meeqqamik kinguaassiutitigut atonerluinermik, ileqqussaannngitsuliortitsinermik, akiliilluni inummik inuusuttumik kinguaassiutitigut atoqateqarsimanermik), § 84, imm. 1-imik (kannguttaalliorfiginninnermik), § 12 malillugu § 86, imm. 1-imik (toqutseriarnermik), § 88-imik (nakuusernermik), § 89-imik (inuup timaanik ilaginnaamermik), § 90, imm. 3-imik (inuunermut ulorianartorsiortitsisinnaasumik nappaammik tunillaanikkut ajoqusiineq) § 91 (inatsisit unioqqutillugit pinngitsaaliinermik), § 92-imik (kiffaanngissusiiianermik), § 93-imik (inunnik niuerutiginninnermik) imaluunniit § 112-imik (ujajaanermik) unioqqutitsinerit pillugit suliani, inatsisinik unioqqutitsineq ilungersunartutut pissuseqanngitsillugu imaluunniit illersuisumik ivertitsineq erseqqissumik pisariaqartutut isigineqanngippat, eqqunngitsuliorfigineqartup qinnuteqarneratigut inatsisinik unioqqutitsinikkut eqqunngitsuliorfigineqartumut eqqartuussivik illersuisumik ivertitsissasoq, aalajangersakkami takuneqarsinnaavoq. Suliaq pinerluttulerinermi inatsimmi § 74-ip aamma §§ 77-imiit 81 ilanngullugu tunngassuteqarpat, eqqunngitsuliorfigineqartoq 15-it inorlugit ukioqarpat, eqqunngitsuliorfigineqartumut illersuisumik ivertitsisoqarnissaanik piumasaqaateqarsinnaavoq.

Eqqartuussisarnermik inatsimmi § 333, imm. 1-imi § 88 a-tut siunnersuutigineqartumut innersuussummik ilanngussisoqarnissaa siunnersuutigineqarpoq, taamaalilluni nakuuserneq pillugu § 88-imik unioqqutitsinermi pisut assigalugit, eqqunngitsuliorfigineqartup qinnuteqarneratigut § 88 a-tut siunnersuutigineqartup unioqqutinneqarnerani illersuisumik ivertitsisoqarsinnaanngussamat.



Tamatuma saniatigut aalajangersakkat pineqartut allanngortinneqarnissaat siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni pkt. 2.3 innersuussutigineqarpoq.

Nr. 2-imut

Suliani pinerluttulerinermi inatsimmik unioqqutitsinerit sakkortunerusut pillugit eqqartuussinikkut inissiisarfimmi inissiinissaq pillugu eqqartuussisoqarsimatillugu, tak. Pinerluttulerinermi inatsimmi kapitali 31, tassani nakuuserneq, qunusaarineq imaluunniit inummut navianartumik pinerluuteqarnerit allat ilaatillugit, imaluunniit kinguaassiutitigut atonerluisoqarsimatillugu, eqqartuunneqartoq eqqartuussinerup siuniani paarigallagassanngortinneqarsimappat aamma eqqartuussutip nalunaarutigineqarnerata naammassineqarneratalu akornanni iperagaasimangippat, eqqartuunneqartup ilagineqarani aninissaanut siullermut aamma iparagaanissaanut piffissaq aamma qimaasimappat qimaasimanagera pillugu, qinnutarneq malillugu eqqartuussisarnermik inatsimmi § 336 b malillugu eqqunngitsuliorfigineqartoq nalunaarfigineqassaaq. Pisuni taamaattuni pinerluuteqartoq pillaatiasiamik atuinermi nalaani aamma inissiisarfiup suliassaqarfiani inissiisarfiup ilisimasaqarfigisaanik Kaalaallit Nunaanni aallakaatinneqartussat sanaartorneqartumi TV-kkut imaluunniit radiokkut aallakaatitassiani peqataappat, tassani pineqartoq pingaarutilimmik atuuffeqarpat, imaluunniit kalaallit aviisianni ullormut saqqummertartumi inuup allaatigineqarnera pillugu apeqqarissaarfigineqarpat, qinnuteqarneq malillugu eqqunngitsuliorfigineqartoq aammattaaq nalunaarfigineqassaaq. Pisuni inissiisarfik aninissamut tamannalu pillugu ilisimasaqarluni akuersissuteqarsimapat, taamatut TV-kkut radiokkulluunniit aallakaatitassiamik immiussinermi peqataanermi tamanna aamma atuuppoq. Eqqunngitsuliorfigineqartoq toqusimappat, qinnuteqarneq malillugu eqqunngitsuliorfigineqartup qanigisai nalunaarfigineqassapput. Pinerluuteqartumut eqqarsaatigisassat pingaaruteqartutut isigineqarpata, nalunaarutiginninneq itigartinneqarsinnaavoq.

Eqqartuussisarnermik inatsimmi § 336 b, imm. 1, oqaaseqatigiinni siullerni, § 88 a-tut siunnersuutigineqartumik innersuussummik ilanngussisoqarnissaa siunnersuutigineqarpoq. Pinerluttulerinermi inatsimmi unioqqutitsinerit sakkortunerusut pissutigalugit inissiisarfimmi

inissinneqarnissaq pillugu eqqartuussisoqarneranut tunngatillugu, tassani § 88 a-tut siunnersuutigineqartoq ilaalluni, tamanna pillugu § 336 b, imm. 1-imi malittarisassat erseqqinnerusut malillugit, nakuusertoqarsimanerata assinganik eqqunngitsuliorfigineqartumut taassumaluunniit qanigisaanut nalunnarutiginninneq pissasoq, tamatuma kinguneraa.

Aalajangersakkap pineqartup tamatuma saniatigut allanngortinneqarnissaa siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni imm. 2.3 innersuussutigineqarpoq.

Nr. 3-imut

Politiit video atorlugu killisiuisarnerat pillugu Eqqartuussisarnermik inatsimmi § 340 a malittarisassanik imaqarpoq. Inuk 13-t inorlugit ukioqarpat, imaluunniit inuk 15-it inorlugit ukioqarpat, aamma misissueqqissaarneq pinerluttulerinermi inatsimmi § 74-*imik* (ilaquttatut qanigilluinnakkamik atoqateqarnermik) imaluunniit kapitali 18-*imik* (kinguaassiutitigut pinerluuteqarnermik) imaluunniit §§ 86, imm. 1 (toqutsinermik) imaluunniit 88, oqaaseqatigiit siullit malillugit (nakuusernermik), tassani inuk imaluunniit taassuma qanigisaa eqqunngitsuliorfigineqarluni, aamma inuk pasisaasoq, inuup qanigisarippagu, pingaarnertut isumaqatigiinniarnermi immiussap uppersaaratitut atorneqarnissaa, § 467 a (video atorlugu killisiuineq) siunertaralugu, politiit inummik killisiuinerat videokkut immiunneqarsinnaasoq, aalajangersakkami imm. 1-*p* malitsigaa. Inuk 18-it inorlugit ukioqarpat, aamma pisut immikkut ittut video atorlugu killisiuisoqarnissaa pissutissaqartippassuk, imaluunniit inuk 18-*inik* sinnerlugilluunniit ukioqartoq tarnimigut ilungersunartumik ajoquteqarpat imaluunniit annertuumik piginnaasakillismappat, aamma pissutsit immikkut ittut video atorlugu killisiuisoqarnissaa pissutissaqartippassuk, video atorlugu killisiuineq aammattaaq pisinnaavoq.

Eqqartuussisarnermik inatsimmi § 340, *imm. 1, nr. 2, litra b-mi* § 88 a-tut siunnersuutigineqartumut innersuussummik ilanngussisoqarnissaa siunnersuutigineqarpoq, taamaalilluni toqutsineq pillugu pinerluttulerinermi inatsimmi § 86, imm. 1-*mik* imaluunniit nakuuserneq pillugu pinerluttulerinermi inatsimmi § 88, oqaaseqatigiinnik siullernik unioqquitsineq pillugu misissueqqissaarneq assigalugu, tassani § 88 a-tut siunnersuutigineqartumik unioqquitsisoqartillugu inunnik 15-t inorlugit

ukiulinnik video atorlugu killisiuineq pisinnaalluni, tassani inuk imaluunniit taassuma qanigisaa eqqunngitsuliorfigineqarluni aamma inuk pasineqartoq inuup eqqunngitsuliorfigineqartup qanigisarissavaa.

Aalajangersakkap pineqartup tamatuma saniatigut allanngortinneqarnissaa siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni imm. 2.3 innersuussutigineqarpoq.

### *§ 3-mut*

Inatsisip ulloq [...] atortuulersinneqarnissaa siunnersuutigineqarpoq.

Iliuutsinut, inatsisip atortuulersinneqarnerata kingornatigut iliuserineqartunut inatsit atorneqassaaq.

## Ilanngussaq 1

<i>Oqaasertalerneru atuuttoq</i>	<i>Inatsisissatut siunnersuut</i>
	<b>§ 1</b>
	Inatsimmik nalunaarut nr. xx, xx-imeersoq malillugu Kalaallit Nunaanni pinerluttulerinermi inatsimmi tulliuttut allanngortinneqassapput:
	<b>1.</b> § 88- <i>ip</i> kingorna ilanngunneqassaaq:
	»§ 88 a. Inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, allamut pineqartumut assuarnartumik aqutsissutitut naleqquttunik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matumani naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersuineq ilanngullugit, tarnikkut nakuusersimasutut eqqartuunneqassaaq.
	<b>§ 2</b>
	Inatsimmik nalunnaarut xx, xx-imeersoq malillugu Kalaallit

	<p>Nunaanni eqqartuussisarnermik inatsimmi tulliuuttut allanngortinneqassapput:</p>
<p><b>§ 333.</b> Nakuusemermut imaluunniit taamaaliomissamik qunusaarinermit tunngatillugu pinerluttuler- inermi inatsimmi § 37-mik imaluunniit §§ 74-imik, 77-81-imik, 84, imm. 1-imik, tak. 12, 88 aamma 89, 90, imm. 3, 91-93 kiisalu 112-imik unioqqutitsineq pillugu suliaassani eqqartuussisut pinerlineqartumiit noqqaavigineqamik illersuisumik ivertitsisassapput taassumunnga tapersersuillunilu ilitersuisuus- samik, ivertitsisoqassanngilarli inatsisinik unioqqutitsineq ilungersunartuunngippat imaluunniit illersui- sumik ikiortissaqartitsinissaq pisariaqanngitsutut isigineqartariaqarpat. Pinerlineqartoq 15-it inorlugit ukioqarpat illersuisussamik ivertitsivigineqarsinnaatitaavoq, suliaasaq pinerluttulerinermi inatsimmi §§ 74-imut aamma 77-81-imut tunngasuuppat.</p>	<p><b>1.</b> § 333, imm. 1, oqaaseqatigiinni siullerni, »§§ 88 aamma 89,« ima allanngortinneqassaaq: »§§ 88-89,«.</p>
<p><b>§ 336 b.</b> Pinerluttulerinermi inatsimmi kapitali 31 malillugu suliani pinerluttulerinermi inatsimmik unioqqutitsinerit sakkortunerusut pillugit eqqartuussinikkut inissiisarfimmi inissiinissaq pillugu eqqartuussisoqarsimatillugu, tassani nakuuserneq, qunusaarineq imaluunniit inummut navianartumik pinerluuteqarnerit allat ilaatillugit, imaluunniit kinguaassiutitigut atornerluisoqarsimatillugu, eqqartuunneqartoq eqqartuussinerup</p>	<p><b>2.</b> § 336 b, imm. 1, oqaaseqatigigiinni siullerni, »nakuuserneq,«-rup kingorna ilanngunneqassaaq: »tarnikkut nakuuserfigineqarneq,«.</p>

siuniani  
paarigallagassanngortinneqarsimappat  
aamma eqqartuussutip  
nalunaarutigineqarnerata  
naammassineqarneratalu akornanni  
iperagaasimanngippat,  
eqqartuunneqartup ilagineqarani  
aninissaanut siullermut aamma  
iparagaanissaanut piffissaq aamma  
qimaasimappat qimaasimanagera  
pillugu, eqqunngitsuliorfigineqartoq  
nalunaarfigineqassaaq. Pisuni  
taamaattuni pinerluuteqartoq  
pillaatisiamik atuinermi nalaani  
aamma inissiisarfiup suliassaqarfiani  
inissiisarfiup ilisimasaqarfisaaq  
Kaalaallit Nunaanni  
aallakaatinneqartussatut  
sanaartorneqartumi TV-kkut  
imaluunniit radiokkut  
aallakaatitassiani peqataappat, tassani  
pineqartoq pingaarutilimmik  
atuuffeqarpat, imaluunniit kalaallit  
aviisianni ullormut saqqummertartumi  
inuup allaatigineqarnera pillugu  
apeqqarissaarfigineqarpat,  
qinnuteqarneq malillugu  
eqqunngitsuliorfigineqartoq  
aammattaaq nalunaarfigineqassaaq.  
Pisuni inissiisarfik aninissamut  
tamannalu pillugu ilisimasaqarluni  
akuersissuteqarsimapat, taamatut TV-  
kkut radiokkulluunniit  
aallakaatitassiamik immiussinermi  
peqataanermi tamanna aamma  
atuuppoq.  
Eqqunngitsuliorfigineqartoq  
toqusimappat, qinnuteqarneq  
malillugu eqqunngitsuliorfigineqartup  
qanigisaat nalunaarfigineqassapput.  
Pinerluuteqartumut eqqarsaatigisassat

<p>pingaaruteqartut isigineqarpata, nalunaarutiginninneq itigartinneqarsinnaavoq. <i>Imm. 2-3. ---</i></p>	
<p><b>§ 340 a.</b> § 467 malillugu pingaarnertut isumaqatigiinniarnertit nalaanni (video atorlugu killisiuineq) immissiunerup uppersaataatit atorneqarnissaa siunertaralugu, politiit inummik killisiuinerat videokkut immiunneqarsinnaavoq pisuni tulliuuttuni: 1) --- 2) Inuk 15-it inorlugit ukioqarpoq, aamma ... unioqqutitsinerit pillugit misissueqqissaarneq attuumassuteqarpoq a) --- b) Kalaallit Nunaanni pinerluttulerinermi inatsimmi § 86, imm. 1 imaluunniit § 88, oqaaseqatigiit siulliit, tassani inuk taassumaluunniit qanigisaa eqqunngitsuliorfigineqarluni, pasineqartorlu inuup taassuma qanigisarigaa. <i>Imm. 2-4. ---</i></p>	<p><b>3.</b> § 340 a, imm. 1, nr. 2, litra b-mi, »§ 86, imm. 1, imaluunniit § 88, oqaaseqatigiit siulliit,« ima allanngortinneqassaaq: »§ 86, imm. 1, § 88, oqaaseqatigiit siulliit, imaluunniit § 88 a«.</p>